



AWIG - AWIG

# DESA ADAT TANGEB

KELURAHAN : ABIANBASE

KECAMATAN : MENGWI

KABUPATEN : BADUNG

2001

## PURWANING ATUR

Om Awighnam asto namo sidham

Om ksama swamam mahadewam, sarwa prani hitangkaram,  
Mamorcak sarwa papabhyah, kinancitma anaksantun  
Ksantayakavika dosah, ksantaya sika namah  
Ksantaya manonta dosah, tat pramadat ksamaswamam  
Hinaksaram hinakpadham, hinamantra tatewanca  
Hinabakti hinawidhi, sadhasiwa namastute

Poma poma poma

## AWIG-AWIG DESA ADAT TANGEB

Ini pakertan Krama Desa Adat Tangéb, sane rihin, mangkin kasalin, ring dina  
Coma Umanis Tolu, tanggal ping pindo, sasih Karo, Isaka 1896, tanggal masehi 5  
Agustus 1974

Kawacen awig-awig puniki ring Krama Desa Adat Tangéb, duk rahina  
Coma Umanis Wara Sungsang, tanggal 9-9-1974, ring Bale Wantulan Krama Desa  
Adat Tangéb, gilik saguluk saha susrusa ngemanggehang awig-awig kadi ring sor

## SARA - CITTA

Desane mula wantah pawakan pasayuban krama desa rawuhing kulawarga  
pawongannya. Manuk dresta, desane keanggehang bhuwana agung, pawongannya  
suwang-suwang pinaka bhuwana alit, Adung patemon bhuwane kalih larapan  
canta-jagatdhita, sinanggeh murdaning prayojana pengriptaning awig-awig.

Sotaning bhuwana agung, desane wantah pawakan "Bhawa Maurip"  
jangkep saha Trihita karanania luwira :

- Parhyangan, sahanan kahyangan penyiwian desa, genah ngarcana Hyang,  
maka atman desane.
- Palemahan, tanah kakuwuban saha dagingnya sinanggeh anggasarira  
tawulan desane.
- Pawongan, warga desane sami, pawakan trikaya, awanan desane sida  
molah maprawretti.

Sejaba dresta inucap, pamekas Pancasila, miwah Undang-Undang Dasar 1945  
nenten pisan kalempasin antuk awig-awig puniki.

## DASAR LAN TATUJON

Desa Adat Tangéb puniki ngamanggehang dasar :

- Tri Hita Karana manut tatwaning Bhuwana agung, miwah
- Pancasila kadi munggah ring Pembukaan UUD 45 RI



#### Tujuan Desa Adat Tangeb

- Mikukuh miwah ngajegang Agama
- Nginggilang tata prawitine mapama
- Ngajegang pasukertan desa saha pawongannya sami sekala niskala
- Ngajegang tata pangaskaraning pawongan, pamekas sane ngiket pakulawargan
- Ngajegang pasukertan serawa druwening desa miwah druwening pawongannya sami

## PALET 1 ARAN LAN PALEMAHAN DESA

### Paos 1

- Desa Adat Tangeb puniki kahenterang antuk :
  - Kelihan Desa Adat
  - Patajuh
  - Panyarikan
  - Pasedehan
- Wawengkon Krama Desa Adat Tangeb :

Krama Banjar Adat, mka penyiwi Tri Kahyangan/Kahyangan Tiga (Pura Desa/Bale Agung, Pura Puseh/Ratu Ngurah, Dalem/Mrajapati), ring Krama Desa Adat Tangeb.

luir ipun :

  - Krama Banjar Adat Pasekan
  - Krama Banjar Adat Jeroan
  - Krama Banjar Adat Tengah
  - Krama Banjar Adat Delodpempatan
  - Krama Banjar Adat Kebayan
  - Krama Banjar Adat Dukuh
  - Krama Banjar Adat Bebenan
- Wates-wates wawengkon Desa Adat tangeb luwir ipun :
  - Sisi kaler : carik / Desa Adat Kapal
  - Sisi kangin : carik / Desa Adat Abianbase
  - Sisi kelod : carik / Desa Adat Buduk
  - Sisi kauh : peneban / jurang / Desa Adat Kekeran
  - Sisi kelod kauh : carik / Desa Adat Cempaka / Slingsing

### Paos 2

Krama desa adat puniki tan dados kaparo kadadosang kalih krama desa adat, tigang krama desa adat, miwah selantur ipun sakantune krama banjar – krama banjar puniki nwiwi/nyungsung Kahyangan Tiga pamekas Pura Desa/Bale Agung, Pura Puseh/Ratu Ngurah, Dalem/Mrajapati.

### Paos 3

Ring sowang-sowang krama banjar kaenterang antuk

1. Kelian adat (Kelian Pratus)
2. Juru arah adat merangkep wakil kelian adat

### Paos 4

1. Prajuru desa adat kadi munggah ring paos 1 ring ajeng, kapilih wiwah kararyanang/kahuwusang saking paparem krama desa adat.
2. Prajuru banjar adat kadi munggah ring ajeng, kapilih kararyanang kahuwusang saking paparem krama banjar adat.

### Paos 5

Sane kengin kapilih kaanggen prajuru desa adat manut paos 1 ring ajeng wantah warga krama banjar/desa adat sana sampun syah tur jumenek magenah ring desa adat Tangeb puniki, tur mangda sakidik-kidik ipun manut ring pari agem kadi puniki :

- a. Rajin (jemet)
- b. Jujur miwah adil
- c. Madruwe pariagem pangabdian
- d. Mawibawa

### Paos 6

1. Pamilihan prajuru desa adat manggeh sah yan sampun kasetujuang antuk perarem.
2. Kelian desa adat sane sampun telas pawanenganipun, kengin taler kapilih manut paparem krama desa adat, selaminipun 2 periode. selantur ipun tan dados kapilih malih.
3. Iwarga desa adat sane kapilih manggehprajuru desa adat tan patut nulakang sajawaning wenten alasan-alasan ketimbang patut tur pantes manut tatimbangan krama desa adat.

### Paos 7

Prajuru desa adat puniki patut kapilih utawi kagentosin nyabran limang warsa sajawaning wenten parindikan miwah acara sane mabuat.

### Paos 8

Prajuru banjar adat kemanggehang manut perarem banjar, sajeroning banjarnia sowang-sowang sane kagentosan nyabran tigang warsa.

#### Paos 9

Paolih-olihan prajuru krama desa adat yang dipradene wenten, kawilang 20% saking gunakaya kadabdab sapumiki :

- |   |                         |       |
|---|-------------------------|-------|
| 1 | Kelihan desa adat polih | : 35% |
| 2 | Patajuh                 | : 25% |
| 3 | Penyarikan              | : 20% |
| 4 | Pasedahan               | : 20% |

#### Paos 10

Amongan kelihan desa adat ngamargiang tur ngamanggehang pasuara manut awig-awig wakil kelian desa adat (patajuh) pinake penyade kelian desa adat, taler kengin ngewakilin kelihan desa adat rikala kelian desa adat punika kapiambeng miwah rikalama tan wenten (nuju ring paluasan). Penyarikan muputan saluir administrasi Sedahan ngenterang padruwen desa adat.

## PALET II PARUMAN

#### Paos 11

Paruman wenten tigang soroh luih ipun :

1. Peparuman krama desa adat
2. Peparuman krama banjar adat
3. Peparuman prajuru desa/banjar adat kawentenang manut kabuatanipun.

#### Paos 12

Sapa sira ugi cedok ring peparuman kasisipang agung alitnia manut parerem.

#### Paos 13

Sane tan salit/nyedokin peparuman santukan kapiambeng luih ipun : sakit, upacara agama, miwah keluasan, yening sampun wenten pasadok.

#### Paos 14

Pararem peparuman kebaos ring ajeng menggeh dados awig-awig pasuara yaning sampun kacumponin antuk atenga lintangan saking pamilet peparuman punika.

## PALET III KARANG LAN LALUPUTAN

Paos 15

Mawit saking polih nanggap karang desa kpatut tedun makrama banjar utawi desa, keni ayah banjar utawi desa adat, miwah keni paturunan sane kaperluang, mangda mura ngamecikang wewangunan-wewangunan druwen desa adat

Paos 16

Sinalih unggil iwarga desa adat sane kemanggehang maagama Hindu yaning sampun merabi patut tedun ngayah mabanjar/krama desa adat sane kawastanin pangayah, ngawit saking Buda Kliwon Paang

Paos 17

Iwarga desa adat sane sampun merabi yening madruwe pianak muani lintang ring adiri tur pada marabi sajawaning adiri patut ngayah sekadi pengayah ngarep

Paos 18

I pengayah ngarep sane sampun madruwe pengayah penyade patut wusan ngayah reh sampun kasade antuk pianakipun.

Paos 19

1. Balu luh wiadin muani sane pianaknyane kantun alit wiadin kantun masekolah wiadin sampun daa/teruna patut keni ayahan balu, nanging paturunan sawungkul.
2. Yang reramanya sampun tua ruyud patut luputang ring ayahan paturunan tetep keni sawungkul.
3. Benjangan yen pianaknyane sampun muputang sekolahan tur sampun daa/teruna nanging dereng merabian, patut keniang ayahan balu, ayah luh wiadin muani.

Paos 20

1. Balu ngelisting luh wiadin muani patut keni ayahan balu, paturunan sawungkul
2. Yening baluan punika sampun lingsir/ruyud miwah sakit-sakitan luput ring ayah nanging paturunan sawungkul.



Paos 21

Jatma ubuh meme bapa yan kanton alit luput ayahan. Yen sampun daa/teruna sadereng marabian keni ayahan balu, paturunan sawungkul.

Paos 22

1. I warga desa adat sane sakit ila, sakit tahunan, ayan, buduh, buta, rumpuh, miwah sakancan punika luput ayahan.
2. Yang kanton medruwe rabi (luh wiadin muani) sane tan keni sakit sekadi munggah ring ajeng, wiadin madruwe pianak sane sampun daa/teruna tur taler tan keni pinakit-pinakit asapunika patut sinanggeh pangayah balu.

Paos 23

Sane patut luput ring ayah miwah paturunan desa adat inggih punika

- a. Prajuru desa adat miwah prajuru banjar adat
- b. Para pemangku kayangan tiga
- c. Para pandita sang sampun maduijati
- d. Para pengurus parisada desa
- e. Pakaseh subak teba

Paos 24

1. Yan wenten jatma saking lian desa magenah ring sakuwuban desa adat Tangeb, sasampun asasih suen ipun, tur sampun polih naggap karang desa, patut tedun ngayah miwah keni paturunan sapatutipun.
2. Yan wenten jatma lian desa sane numbas tanah ring sakuwuban desa adat Tangeb, tur sampun kadagingin wewangunan, patut tedun ngayah sekadi ring sor punika :
  - a. Mabanjar adat pingkalih madesa adat yan jatma punika magama Hindu.
  - b. Mabanjar adat kewanten yan jatma punika siosan ring agama Hindu.
3. Jatma lian desa sane sampun nganutin ngayah punika patut polih pengayoman saking banjar miwah desa adat, ritatkala madruwe karya suka-duka kalih sane siosan, yaning wenten pesadok.

Paos 25

1. Yen wenten jatma tamiliu/penumpang magenah ring sakuwuban desa adat Tangeb, puniki sane sampun masuwe asasih miwah selanturipun patut itamiu punika nawur batu-batu apisan kuwehipun (suka lila), yan tamiu punika sampun marabian. Selanturipun nvabian waisa nawur dana ring desa adat kuwehipun manut pararem.

2. Yan itami punika itami daturma tan keni dana sekadi manggah ring ajeng pangung rikala wenten ayah-ayahana desa gotong royong patut nyarengin ngayah
3. Indike asapunika santukan itami punika kabayunan antuk krama desa adat Tangreh

#### Paos 26

1. Yan itami tan kayun nawur dana punika prajuru desa adat ngawonang saking sakawit desa adat Tangreh, punika sangkaning pasadok saking prajuru banjar
2. Iwarga desa adat Tangreh sane nyungkemin itami sane tan kayun nawur dana punika kadanda manut pararem
3. Yan smalih banjar nyungkemin sane asapunika, banjar sane asapunika patut kadanda sekadi ring ajeng

#### Paos 27

1. Yan wenten ikrama desa adat sane jaga magingsir saking desa adat Tangreh patut aparisadu ring prajuru desa adat miwah banjaranyane
2. Utang-putang ring sajeroning desa adat banjar patut kabuntasang ribun

#### Paos 28

1. Yan wenten ikrama desa adat sane jaga magingsir saking desa adat Tangreh patut polih surat keterangan sane kapatutang olih prajuru desa adat miwah pemerintah manut peraturan pemerintah
2. Iwarga desa adat sane asapunika tan polih pah-pahan ring banjar miwah desa adat, nanging patut kawelun sumbangan manut pararem prajuru banjar miwah desa adat

#### Paos 29

Sinalih tinggil warga krama desa adat Tangreh sane kawusang (dipecat) makrama desa adat melarapan saking melaksana sane tan patut, tan polih surat keterangan prajuru desa/banjar patut tur tan polih sumbangan punapa-punapi miwah patut muputang piutangnyane ring desa adat miwah banjaranyane.

#### Paos 30

Iwarga krama desa adat sane pecak malinggal saking wawengkon desa adat Tangreh manggeh ring paos 28, yan parade mewali malih makrama desa adat Tangreh, sane sangkaning becik saha nyihnayang surat-surat keterangan saking pengurus desanyane pecak, patut katerima malih mekrama desa adat miwah makrama banjar adat



Jatma sane sakadi kabawos ring paos 30 ring ajeng, yang prade pekarangan sane pacak tongosin ipun sadurunge pindah, sampun katanggap olih warga krama sewosan. olih prajuru desa adat/banjar adat patut matujuhin karang desa siosan pradene wenten tur patut katerima olihniane.

## PALET IV PESU-PESUAN MIWAH PATURUNAN

### Paos 32

Sakancan upakara/upacara, prebea wiadin palakaran sane mangge ring amongan krama banjar/desa adat, patut kamedalang antuk krama banjar/desa adat, kadi ring sor puniki :

1. Pengayah keni sawungkul
2. Balu ngemban keni sawungkul
3. Balu putung keni atenga
4. Ubuh kanton alit (dereng mayusa 18 tahun) luput.
5. Prajuru krama banjar/desa adat, pekaseh, pemangku khayangan tiga lan sang sang sampun madiksa luput (sulinggih).

## PALET V PASUKERTAN TATA AGAMA

### Paos 33

Nyabran karya patetoyan utawi piodalan ring pura khayangan tiga krama banjar/desa adat patut rawuh kapura ngaturang luih ipun :

1. Ikrama banjar sane keni nanggap patut ngaturang ayah kapura nganutin emponan muputang karya pailen-pailen patetoyan.
2. Yening krama inucap manut bawos ring ajeng kapiambeng sampet kacuntakan, ayahan nanggap punika patut katibakang ring krama banjar siosan manut piuning/pituduh prajuru desa adat.

### Paos 34

Tatkala rahina patetoyan punika sami ikrama banjar/desa adat rawuh tangkil ka pura.

Paos 35

Sane tan patut/kapatutang ngeranjing ka pura, muspa utari maturan luwiripun

1. Sane kecuntakan/kesebelan
2. Sang keni sakit ila
3. Jatma buduh
4. Sang nyebelang dewek

Paos 36

Muspa/maturan ka pura ritakala patetoyan patut ngangge busana adat sane jangkep luwiripun, makamben, mapepetet, makampuh saha umpal tur ngangge destar.

Paos 37

1. Sajeroning panyengker pura tan dados :
  1. Mabacin
  2. Mawarih
  3. Masanggama
  4. Malalung
  5. Ngambahang rambut
  6. Menahin wastia
  7. Manemah mamisuh
  8. Mabawos cemer/leleh
  9. Marebat/majaljal
  10. Misusuin anak rare
  11. Mabawos banggras sane ngawetuang iyeg
  12. Menek ring palinggih, panyengker pura yen tan polih panugrahan saking prajuru miwah pamangku pura.
2. Sang sane cedok ring sinalih unggil kecape ring ajeng keni pecamil olih prajuru desa adat manut pararem.

Paos 38

Tan dados ngranjing ka pura yaning tan masaning masa sadurung polih panugrahan saking prajuru/pamangku pura.

Paos 39

Sang sane mamurug inucap ring ajeng kasisipang manut pararem

Upacara /upadrawa/sumpah, sane malarapan saking wicara yening kaupasaksi ring pura sane ... sumpah patut kadewa saksi ring pura puseh

## PALET VI PAMANGKU

### Paos 41

Ring pura Desa/Bale Agung, Puseh/Ratu Ngurah miwah Dalem/Mrajapati (Tri Kahyangan) patut kawentenang Pamangku. Kengin taler kawentenang panyade (wakil) pamangku manut kabuatang pararem.

### Paos 42

Sinalih tunggil pamangku ring Tri kahyangan kapiambeng pengacine dados kemargiang oleh sinalih tunggil pamangku inucap ring ajeng (sane tan kapiambeng) wiadin olih penyadenyane. Yan prade sami kapiambeng pangacine kemargiang antuk sinalih tunggil pamangku sane karasayang kautamanyane, sisan ring Pamangku Tri Kahyangan (Kahyangan Tiga).

### Paos 43

Ngadegang pamangku, patut ngarutin dedudonan piteket kadi ring sor :

- a. Ngawilang saking turunan
- b. Nunas pawuwus Widhi/nyanjan
- c. Pilihan ikrama desa

### Paos 44

1. Prabia upakara ngawintenin (madiksa widhi) pamangku, ring Tri Kahyangan kamedalang olih ikrama desa adat.
2. Pamangku pura Kahyangan Tiga sane mantuk patut kaabe. Prabia upakara pengabenan kamedalang olih desa adat manut pararem.

### Paos 45

Genah ngupakara pamangku patut ring pura sane kaamongin.



1. Sane tan dados kanggen pamangku
  - a. Ceda : turipun peceng, perot, sengkok, congah, belang, jetip, tuna, jetip teoh, bidug, banchih
  - b. Sakit ila, buduh, avan
  - c. Tan uning ring sastra latin/bali
2. Nyabran ngaturan aci ritakala retaman alit miwah retaman ageng iwarga krama desa adat ngaturang wangi-wangi ka Tri Kahyangan Ring Galungan ikrama desa adat patut mamenjor ring tengen pemesuanne jangkep saha sanggah nancep penjor punika sadurung Buda Kliwon Dungulan, ngabut penjor, ring dina Buddha Kliwon Paang

## PALET VII KARANG DESA ADAT

### Paos 47

Sane kawastanin karang desa adat sakancan tanah-tanah pekarangan paumahan miwah sane lian-lianan (manut trihita karana), sane magenah ring sakuwuban desa adat Tangeb tur tan naur utpeti.

### Paos 48

Tanah-tanah paneban miwah sane lianan sane nawur utpeti kawastanin karang padruwen.

### Paos 49

Krama desa sane polih nanggap karang desa tan dados ngadol, ngadeang, nyingkuhang wiadin ngaryanang sertifikat karang desa punika.

### Paos 50

1. Karang desa telajakan pura/parhyangan yadiastu pura-pura pemaksan napi malih pura-pura kahyangan tiga tan dados kangen karang paumahan.
2. Dados angen wewangunan umum minakadi : bale banjar, wantilan, sane kapatutang antuk ucapan (tan ngalikadin pura miwah parahyangan punika)

Paos 51

Krama desa adat sane polih nanggap karang desa, pradennyane magingisir saking desa adat Tangeb m. gamantukang malih karang desa punika ka desa adat

Paos 52

Sane dados manjing/nanggap karang sane kabaos ring paos 51, wantah penyamanipun sane pinih nampek tur magenah ring sejeroning banjar tunggil

Paos 53

Yan sejeroning banjarnia tan wenten penyamanipun sakadi munggah ring ajeng wenang jadma siosan nanggap, nanging sajeroning banjar ika manut tetimbangan prajuru banjar sareng krama banjarnyane

Paos 54

Yening wenten karang desa sane putung wiadin tuang prajuru banjar ring sakuwuban karang punika mangda aparisadu muah kawaliang malih ring Desa Adat.

Paos 55

Sane dados nanggap karang punika wantah penyamanipun sane pinih nampek tur magenah ring banjar tunggil. Yan tan wenten penyamanipun, manut munggah ring paos 53 ring ajeng

Paos 56 ✓

Sajeroning karang sane katanggap, tanah paumahan yening misi Parhyangan (sanggah) patut sane nanggap tanah punika sane miara.

Paos 57

Sajeroning karang sane wenten papayonan sane dados kadruwe ring sang nanggap, sabarang kayu sane alitan ring dasa senti dados druwen sang nanggap karang desa punika.

Yen wenten tanem tuwuh sajeroning karang punika luwripun : nyuh, jaka sane mautama punika kinsanang se' - ingun atahun, nanging yan keni sukat bangunan, nganutang sukat/sikut asta kosali, yening wenten ngalikadin keni sukat bangunan, taru punika tan dados kinsanang. Dados kakingsanang madasar antuk kasih-kumasih sareng kalih tur kasaksinin antuk prajuru banjar/desa adat.

Tanah-tanah desa, telajakan-telajakan pura Kahyangan Tiga patut kapiara olih krama desa adat tur pikolih tanah punika wantah kanggen ngamecikang miwah ngupakara ring pura Kahyangan Tiga. Sapunika taler tanah-tanah telajakan pura pemaksan pah-pahan pikolihpun kaentang manut pararem.

## PALET VIII INDIK SENTANA

Sane dados idih anggen sentana pinih riya patut ngambil saking turunang lanang. Yan tan wenten sane sandang ambil irika, wawu dados saking mingsiki, misan saking purusa, yan tan wenten saking mingsiki, dados saking mingkalih. Asapunika salanturipun ngantos katunggalang sanggah/pajenengan. Yan irika taler tan wenten sane nyandang ambil wawu dados sekama-kama nanging manut sima. Pengambilan sentana punika dados lanang dados wadu, manut kayun sang ngidih.

Ngangkat sentana sane tan manut ring paos 60 tan wenang sah manggeh sentana tan dados kesahang olih prajuru banjar muang desa, sejawaning kabebasan olih pekadangnia, kajantenang antuk ilikita.

Ngidih sentana dados lintang ring adiri, manut kabuatan.



Paos 63

Sentana sane sah, patut puput kaupakara kaperas, kesaksinin olih kelian banjar miwah kelian desa adat, tur mangda kagungan antuk dikita sane kamedalang olih kelian banjar/desa adat miwah guru wisesa.

Paos 64

1. Yan wenten jatma maduwe sentana luh tur sampun marabi tan dados ngerauhun anak muani malih anggenipun kurenan sakantun muaninipun urip, seantukan anak luh tan patut ngamaduung anak muani.
2. Ring sang sane mamurug wenang danda manut pararem tur dados kakawonang saking irika tan dados wicarayang.
3. Muaninipun sane dumunan dados keangkat sentana yan sampun saking pararem sapayamannyane.

Paos 65

Anak muani nyeburin sentana luh tan dados ngarereh rabi malih sadurunge polih kabebasan saking pianaknyane. Kurenane cenikan patut polih peduman saking padruwen isentana pradene wenten pasubaya.

Paos 66

Jatma sane dados sentana nyeburin, luh nyane padem tur maduwe pianak, sentana nyeburin punika dados ngarereh rabi malih nanging mangda maadungan ring pekadangan sane kaceburin. Yen prade saking kuranane wawu maduwe pianak patut polih bagian warisan saking paruwen isentana luh sane keceburin.

Paos 67

1. Balu luh sane boya sentana, patut ngemanggehang pati brata artinipun patut sedia aguru laki tan dados ngerauhang anak muani ngalakonin paradara (mamitra).
2. Bebaluan kadi punika dados ngarereh rabi nanging yan sampun polih kabebasan saking ipianak miwah penyamannyane saking kurenanipun pecak.
3. Sane dados keambil anggen rabi sesidan-sidan mangda saking panyamane muaninipun manut dadudonan, pemekas sane kamulan dados.
4. Yan tan polih saking penyamannyane wawu dados sane lianan nanging mangda taler satinut tur kabebasan olih penyaman muaninipun.
5. Pianak sane kawetwang saking kuranipun iwawu patut poli pedum waris patch sekadi pianak sane pacak kamedalang sakingipun dumunan (muani sentana).
6. Yan wenten sane mamurug tan nganutin sekadi kecap ring ajeng punika wenang danda manut pararem tur dados kawonang saking umah punika.

1. Ibalu luh sane pageh ring pati brata tan dados patemuang olih pianak miwah sapanyaman/pekadangan kurenanipun.
2. Padruwen miwah pikolih wit waris miwah pangunakaya patut kakuasa olih ibalu, yèn madruwe pianak sareng-sareng pianakipun.
3. Nanging padruwen punika tan dados adol/singkuhang/ngadeang sajabaning ngabenang para leluhur muaninipun nanging mangda sapararem penyaman muani muah pianakipun.
4. Lianan ring ngaben taler kengin anggen ngupakara widhi-widhana (dewa yadnya, manusa yadnya), miwah sane lianan sane matatujon makardi becik rin paumahan punika.

Balun luh sane katundung saantukan mamurug papawosan ring ajeng yadiapin sane sungkemin manahipun ninggal umah muaninipun pecak, dados nguasayang atenga saking papulan pangunakayaipun sane wit kautsahayang sareng muaninipun pecak.

## PALET IX PARABIAN PEWIWAHAN

Tata cara perabian/pawiwahan manut kecaping sastra agama Hindu.

Perabian wenten sangkaning memadik, ngarorod, sangkaning pada arsa sangkalih lanang istri.

Yan pemargine malaibang/ngarorodpinih riyin patut gelis wentenang pamitahu saking penyaman sane muani katiba ring reraman sang luh (daha). Yening reraman/sapayaman sane luh madaging sampet ring pakayun, gelis masadok ring prajuru banjar adat tur dados maritetes ring pianakipun, kasarengin olih prajuru banjarnyane. Pamargine paritetes patut polih kabebasan tur kasarengin antuk prajuru banjar ring genah paro: odan punika.

Paos 73

Pamitetes punika tatujonipun mangda polih gegalangan reraman sane luh, punapi sangkaning pada arsa, punapi tan wenten arsanipun

Paos 74

Yan sampun terang sangkaning kepaksa tur sane istri tan wenten manahipun ring sane malaibang, prajuru wenang ngemantukang sang istri punika ring reramanipun

Paos 75

Sane lanag punika wenang danda manut pararem yan tan katerima danda punika wenang tunasang pamanut ring guru wisesa.

Paos 76

Nanging yan sangkaningpada arsa reraman luh puniki, yan wenang mamaksa malas panakipun indik punika mangda kakuatang antuk prajuru banjar adat makakalih

Paos 77

Wus sapunika saking panyaman sane lanang mangda gelis maweh nasi bubuh miwah lekesan ring reraman saking istri. Nasi bubuh mapiteges panglepas pedihnyane irame, lekesan punika kaserahang ring kelian desa adat, pinaka pasadok pianakipun ngerorod. Kelian desa adat raris nyuarayang kulkul desa ping tiga pinaka pamitahu ring krama desa adat wentene anak ngerorod. Sang ngerorod kabudalang ring parorodan mulih kaumahne lanang.

Paos 78

Sesampune kulkul desa punika masuara, wawu kengin nyantenang pangelukuan saking rerama sane muani ring rerama sane luh kasaksinin olih kelian adat sowang-sowang.

Paos 79

Benjangang rikalaning jaga ngupakara pawiwahan, saking reraman sane muani malih ngawentenang bebaosan ring reraman sane luh.



## PALET XI PASUKERTAN PAWIWAHAN

Paos 86

1. Iwarga desa adat Tangeb sane pianaknyane luh karorodang tur maduruwe kayun ampat ring sapamargan pangrorodan pianakipin mangda digelis masadok ring kelian banjar/kelian desa adat.
2. Yan tan masadok prade yan jaga sahasa mitetesin minakadi tan ngajak kelian adat ring genah pangrorodan punika, jadma punika danda manut pararem. tur dados kakawonang saking genah pangrorodan punika.
3. Sinalih tunggil iwarga desa adat Tangeb sane karauhin rorodan mangda gelis aparisadu ring kelian banjar adat nyane. Yan tan aparisadu prade rorodan punika malarapan saking kapaksa tur dados wicara wenang sang madruw umah punika denda manut pararem.
4. Yan pawiwahan sane tan kasaksi antuk kelian banjar adat prade benjangan wenten wicara punapa-punapi dados wewarahnyane tan rinawosan antuk prajuru banjar adat miwah kelian desa adat, santukan iprajuru punika tan uning ring indik pemargi sane sampun.
5. Asapunika taler sane palas makurenan prade dados wicara benjangan.
6. Palas makurenan sane tan kesaksiang antuk prajuru banjar/desa adat sane muani tetep kekeniang ayah-ayahan banjar muang desa.
7. Prajuru banjar/desa adat sane sampun polih pesadok wenten rorodan sajeroning tetesan punika, raris dados wicara upami pemargin rorodan punika sangkaning kapaksa prajuru banjar punika patut kadenda manut pararem reh ngengkebang wistanipun. Ring denda punika taler nerima sisip ring rumawos prade wenten wicara punika karawuhang ring guru wisesa.

## PALET XII INDIK PATIWA-TIWAN

Paos 87

1. Sema/setra amongan desa adat Tangeb.
2. Sema/setra gede ganah papendeman krama banjar desa adat Tangeb sajawaning Br. Jeroan, sakadi kaunggahang ring lampiran awig-awig puniki.
3. Setra/sema pering genah papendeman krama banjar Jeroan.
4. Sema/setra bebajangan genah mendem jadma alit-alit wenten tigang soroh, luih ipun ring cangkem setra gede, ring Bebengan miwah ring Pasekan.
5. Siosan ring sema/setra inucap ring ajeng taler wenten kuburan umat Katolik Tangeb.



Paos 88

Ikrama banjar/desa adat madruwe wewenang tur kuasa ngatur, ngamecikang, miara miwah midabdab papendeman pabersihang ring amongan soang-soang.

Paos 89

Ring sema/setra gede sampun kawentenang wewatesan manut sekadi pah-pahan.

Paos 90

Sapa sira ugi sane jagi mendem sawa patut ngarsayang padewasan ring manggala desa adat sane kasudi. Larangan papendeman sawa inggih punika : prawani, tilem, purnama, kala gotongan, semut sedulur, rikala odalan ring kahyangan tiga. Yan nuju pasah patut mapendem nyoreyang sawatara surup surya.

Paos 91

Rare sane mayusa durung tigang sasih kapendem pramangke tan ngitung dewasa sajeroning wenten upakara miwah pakarsan sang madruwe, nanging tan dados langkungan ring awengi/arahina tur papendeman tan nyuarayang kulkul. Sang meduwe alang patut masadok ring Sang ngagem patetiwan.

Paos 92

1. Sajeroning babanjaran miwah desa adat yening jagi mendem sawa lintangan ring asiki (adiri) sajeroning arahina, ring sema/setra tunggil, sane tampekang ring setra patut dumunang pamarginnyane.
2. Sapunika taler ritatkala ngaben.

Paos 93

Pependeman ring sajeroning sema/setra Hindu sane munggah ring ajeng paos 87 tan pisan dados nganggen kuburan antuk paras, bata, beton, miwah sekancan punika. Sane kadadosang nganggen kuburan manut ring ajeng sane selaku makingsan, nanging paling suwe wantah atiban santukan jaga gelis kaabenang. Sesampune punika, patut kubur punika kagubar olih sang madruwe Papendeman sane kabaos pahlawan kajatiang antuk guru wisesa benjangan yan sampun papendem/sawanipun kaingsiran ring taman pahlawan kubur punika taler patut kagubar.

Paos 94

Sajawaning ring sema/setra mucap ring ajeng tan pisan dados mendem miwah ngeseng sawa, sajawaning sang maraga sulinggih, kengin makarya tegal suci punika genah pangesengan

Paos 95

1. Jadma padem nandang sakit ila, sawanipun patut kaupakara manut pararem kapendem ring sema/setra ring genahe sane kapatutang olih I Kelian Desa Adat.
2. Jadma padem pecak sakig nandang sakit ila nanging sampun kasinahang seger saha surat katerangan dokter, dados kapendem sekadi jadma biasa ring sema/setra genah bebanjarnyane.

Paos 96

Jadma padem salah pati, ngulah pati sawanipun kasuksrahang ring katurunan sang madruwe kapialang (Piagam Campuhan Ubud)

Paos 97

Jadma sewos agama tan dados kapendem ring sema/setra umat Hindu. Sapunika taler ring kuburan umat Katolik.

Paos 98

1. Jadma panumpang/tamiu, kalih sane sampun wusan miwah kausang makrama desa adat tan dados kapendem miwah ngeseng sawa ring sema/setra sakuwuban desa adat Tangeb.
2. Dadose jadma inucap mendem/ngeseng malarapan saking kebebasan kelian desa adat tur nawur panuku sapatuta.

Paos 99

Sang jaga mendem sawa tan dados nginepang bangbang. Sane kawastanin nginepang bangbang yan jagi mendem benjang mangkin nyurupang surya makarya bangbang.

Paos 100

1. Ikrama banjar patut nganggurin ring sane madruwe padem tigang rahina saking wusan pakutangan tur ngawentenang pagerduan manut pararem banjar.

2. Ikrama banjar tan patut ngarsayang paoli-oliha saking sane madruwe padem sajawaning saking pewewehnyane
3. Sang madruwe padem patut ngaryanang prayita ring ikrama banjarnyane.

## PALET XIII PASUKERTAN PATIWA-TIWAN

### Paos 101

1. Sapasira sane mendem sawa siosan ring pah-pahan ring ajeng patut kadanda manut pararem.
2. Papendeman sawa sane tan ngarsayang padewasan desa adat yadiastun ring dina punika dados mendem kadanda manut pararem.
3. Papendeman sane tan ngarsayang padewasan desa adat saha ring dina punika tan kapatutang dados mendem sakadi larangan-larangan menggah ring ajeng kadanda manut pararem tur ngupakara sema/setra manut sastra agama.
4. Pamendeman sane piwal ring padewasan tatibakan desa adat taler kadenda pateh kadi paos kaping 3 ring ajeng
5. Sane mamurug paos 91 kadenda manut pararem
6. Sane piwal ring paos 92 kadenda manut pararem.
7. Jadma sios desa/panumpang yan jagi mendem ring sema/setra sawewengkon desa adat Tangeb puniki patut nawur manut pararem.
8. Yan ngaben matempung tur nyuwasta patut nawur panuku manut pararem.
9. Nginepang bangbang denda manut pararem, tur ngupakara sema/setra manut sastra agama.

### Paos 102

Mendem sawa tan dados numpukin bangbang papendeman anyaran ring 210 rahina, muang tan dados ngerongrong bangbang lianan (disampingnyane).

### Paos 103

Ngemargiang sawa rikala pakutangan mangda anutang ring pamargine sane kamulan dados marginin sajeroning pakarangan miwah pamedalan sane mula dados pemargi pesu mulih.

### Paos 104

Sane mamurug kadi paos 103 prade sang ngadin kababatan tur aparisadu ring prajuru banjar/desa adat wenang sang ngamargiang ngutang sawa punika danda manut pararem saha ngupakara pakarangan manut sastra agama.



1. Yan wenten jadma padem ring tegal, carik wiadin pekarangan sane baya paumahan, rikala muat budal sawan sang padem ngemarginin margi sane baya kamulan margi dados pemargin ngantasang sawa. Indike piniki patut manut kadi patuduh prajuru banjar/desa wiadin prajuru subak.
2. Tanah-tanah sane keni kemarginin pinaka patut kaprayascita antuk sang madruwe sawa, tut tanah-tanah pengadinyane mangda kasiratang toyan prayascita.
3. Sapunika taler yan ngamargiang sawa ring pangkung tukad wiadin telabah.

## PALET XIV INDIK PENGABENAN

### Paos 106

Sapasira ugi pacang ngaben patut masadok ring prajuru krama banjar/desa adat.

### Paos 107

Saluwiring jadma padem sajeroning 7 rahina kengin kaabenang pamargine manut patiwa-tiwan maupakara agung wiadin alit.

### Paos 108

Sapasira ugi tan kengin mendem (makutang) yan nemoning melaspas pelinggih pamekas sajeroning Tri Kahyangan.

### Paos 109

Bacakan jadma patut wiadin tan patut kaupakara utawi kaaben luihipun :

1. Rare sadurung mayusa telung sasih tan patut kaaben.
2. Yening sampun mayusa telung sasih ngantos maketus kengin kaabenang ngelungah.
3. Saking maketus ngantos selanturipun patut kaaben.

### Paos 110

Ritatkala ring Pura Kahyangan Tiga pamekas gedong pajenengan wenten ngayum ngawit Ida Bhatara magingisir jantos mclaspas kadabdab asapuniki :

1. Yan pacang ngaben patut nyantos sawusan upakara malas pas sadereng punika sawane patut kasirepang.
2. Yan pradene mapendem upakara mamargi sakadi biasa sakewanten pamargine nyantos surup surya saha nenten nyuarayang kulkul banjar.

## PALET XV SASEBELAN

### Paos 111

Pengambilan sasebelan manggeh ring desa adat Tangeb yen sawane mapendem sapuniki :

1. Ngarep ring pasemetonan suwenipun 12 dina
2. Sebel bebanjuran 3 dina

### Paos 112

Pengambilan sasebelan ngaben ngawit saking ngulapin ngantos 3 dina saking pakutangan.

## PALET XIV PEPAYONAN

### Paos 113

Saluiring papayonan tan dados maungkulan kapisaga punapi malih ngungkulin ring wewangunan saluwirnia. Indike punika banget ngawinang rusak wewangunan.

### Paos 114

Mapamulan-mulan sakaluwiring sajeroning pakarangan mangda madoh adepa agung (3 meter) saking pawatesan karang padruwen soang-soang.

### Paos 115

Sang madruwe pamulan-mulan patut stata yatna tur mariksani pamulannyane. Carang kayu sane maungkulan kapisaga patut katotor olih sang madruwe. Pamulan-mulan sane akahnyane sane sampun berek bungkil miwah sane patut

katarka mayanin mangda getis kaebah wiadin katotor mangda sampunang nyantos nyengkalen

Paos 116

Pamula-mulan sane kapatutang matotor wiadin maebah mangda kalaksanayang olih sang madruwe.

Paos 117

Sesampune telas pewanengan taler sang madue nenten mrasidayang notor wiadin ngebah pepayonan punika dados katotor wiadin kaebah olih sang merasa keberatan Pepayonan sane katotor wiadin kaebah asapunika kabukti olih sang sane notor utawi ngebah.

## PALET XVII PASUKERTA PEPAYONAN

Paos 118

1. Pepayonan sane tan manut sekadi paos 114 ring ajeng yan kacihnayang ring pisaga pengabdiannyane tur aparisadu ring praajuru Banjarnyane merintahang ngebah
2. Sajeroning tempo 3 rahina taler nenten kelaksanayang olih sang medue, wenang sang madue kadenda manut pararem tur prajuru banjar wenang ngebah.
3. Karusakan – karusakan rikala ngebah punika, tan patut kepetegenang ring sang melaksana.
4. Carang – carang kayu sane tan kalaksanayang ring penotorannyane, sesampun 3 rahina saking pamitahu prajuru banjar sang madue, wenang denda manut pararem, tur prajuru banjar wenang ngalelang totoran punika

## PALET XVIII PASUKERTAN DESA

Paos 119

Saluiring karang paumahan miwah patut mawates antuk tembok wiadin pagehan. Watese sane kalel, miwah kangin patut katanggunin ( kakardinin tur kapiarang ) antuk sang madue karang. Nangin – nangin prade sejeroning makudang – kudang



paumahan kerasayang ngalikadin kawatesin antun tembok wiadin pagehan, yan sampun sang madrebe pada arsa dados wates punika nganggen pinget kawatanen Watese sane marep kapemargin katembok wiadin kepagehin antuk sang madu karang

Paos 120

Yening sampun madrebe telajakan, telajakan punika patut kapiara antuk sang madrebe karang

Paos 121

Tan dados ngalumbar wewalungan ring paumahan wiadin pabianan anak siosan.

Paos 122

Wewalungan sangkasning memegat tan ketut uri olih sang maduwe prade ngusak pabianan anak, patut ka denda manut pararem saha ngemantukang sane karusak Yan ngerusak ring para hyangan sejabaning denda patut ngupakara manut kecap sastra agama.

Paos 123

Sapasira ugi naban patut di gelis masadok ring prajuru desa.

Paos 124

Wewalungan sane tan wenten ngankenin jantos tigang rahina patut kaserahang ring prajuru desa.

Paos 125

Yan padem saking tan pekardin sane naban tan dados ngrasayang parabia pamiara.

Paos 126

Sang maduwe tan dados ngarsayang pengentos pengaregan wewalungan padem

## PALET XIX PARAEM MIWAH PASWARA

### Paos 127

1. Parareman desa utawi banjar patut ngemedalang pararem – parasrem, anggen mitegepin awig – awingnyane nunggal – nuggal manut dudonan.
2. Daging sahanang pararem patut sacloan ring awig – awing
3. Sane patut unggahang ring pararem makadi ipun :
  - (a) Dewasa ngawitin pemargin pokok – pokok daging awig – awing sane mabuat.
  - (b) Rerincian panyacah awig – awig sane mabuat.
  - (c) Tata sulur ngemargiang awig – awig.
  - (d) Sahanan indik – indik seosan, anggen mitegepin awig – awig.

### Paos 128

1. Paruman prajuru ne mewenang ngamedalang prasura – prasura, mitegepin daging awig – awig desane
2. Daging pasuarane tan maren patut
  - (a) Sacloan ring daging awig – awig
  - (b) Marut ring adat agama, sastra, purwa, loka miwah desa dresta.
  - (c) Pastika nyatenang dewasa pengawit pemargannya.
  - (d) Nyantenang agung alit dendanya, yan kapurung.

### Paos 129

Iti pasukertaning desa adat / banjar adat, nganutin pararem sajeroning desa / banjar nyane sowang – sowang tingkah makrama pasuka duka sejeroning mayadnya.

## MANUSA YADNYA

1. Delepan sajeroning upacara manusa yadnya kaicalang
2. Bebuatan / bebaktan undangan ring sang madue yadnya merupa : ajengan 4 pulung saha beras medaging canang sari masari sukalila pinaka kado
3. Ulih – ulihan :
  - Katik dasa 1 tanding pinaka pangawales undangan
  - Katik lima 1 tanding pinaka ngawales aban – aban beras saruntutan ipun
4. Nyambutin anak 1 kemargiang ngejot jaja :
  - Nista : maturan sanganan ring Tugun Banjar, kelian Pratus, miwah Kepala Lingkungan
  - Madia : Ngejot jaja sajeroning babanjaran
  - Utama : Ngejot jaja rauh ring wewidangan desa pakraman manut pamargin undangan duk ngawentenang pawiwahan

Sang ngrauhin nenten kawales antuk ulih – ulihan
5. Nyambutan anak 1 : Maweweh masangih miwah ngaba jaja ( mapamit ka umah daa ), wenten pamargi kakalih :
  - (a) Upacara nyambutin kaanggen pokok, dados ngamiletin manut paos kaping 4 ring ajeng
  - (b) Undangan kemargiang, mangda nganutin paos kaping 3 ring ajeng
6. Nampi jaja ( mulih kaumah daa / mapamitang ) wenten pamargi kakalih :
  - (1) Kangkat ngemargiang undangan
  - (2) Dados taler kekeluargaan / pakurenan kewannten

Babuatan sang mulih ka umah daa :

  - (a) Jauman marupa katipat bantal
  - (b) Sanganan senistannyane 10 tanding
  - (c) Peras daksina 4 soroh katur ring :
    - Pemujungan 1 soroh
    - Pengraos 1 soroh
    - Pangulun bale banjar 1 soroh
    - Pepamitan Betara Hyang Guru 1 sorohSoang – soang masari 5000,-
  - (d) Nasi bebayuhan katik 5 + kuwah palet 10 paos 81
7. Undangan Luar Desa
  - Katurang pangu / ngajeng miwah
  - Bebuatan budal : Japit katik 7, tanding
8. Aturan rikala manusa Yadnya :
  - Tk Banjar : Kelian pratus + kepala lingkungan
  - Tk Banjar : Kelian Desa adat Pemangku Kahyangan Tiga.

1. Ikrama sajeroning duka, manut pararem, yening wenten mati mependem, iwarga banjar patut mautlung beras 1 kg, kawangen 1, masari Rp 1000,-. Sadurung watange mapendem sang maduwe alang sukalila nyangu antuk kopi, roko, base. Risampun mapendem, gebagane tan kengin nyangu antuk kopi. Ikrama banjar makarya bedeg / upakara bangbang patut magilir.
2. Yenig wenten anak padem tur ngeseng, sajeroning pitung dina buntas pakaryana, sawa prateka ika ngaran. Ikrama banjar patut matulung, nyuh, taluh, beras 1kg, kwangen 1 mesari Rp. 1500,-. Ikrama polih pesangon nasi tekor, apisan, ring setrane polih pesangon jaja kopi. Sadurung sawa mageseng sukalila sang madue alang ngaturin sangu kopi, roko, base. Tingkah gegebagane patch kadi ring ajeng. Pekaryane kelaksanayang antuk krama banjar.
3. Menganter sawa kasetrane pemargi dabdab, kadulurin antuk kidung sewentene. Ikrama patut ngangge pakaian adat
4. Yan ngaben melabuh ka len desa patut masadok ring prajuru desa miwah ring pemangku kahyangan dalem panguluning setra. Sane manggeh sebel ngawit saking ngendag / ngulapin ring setrane rawuh ngeseng sawa, ngantiang buka telun, buntas sebel umum

## PERIMBA

Sapreteka upakarania ngelanus, sane premangke patut antuk pangentas, nista, madia, utama, kramania tan pawadah, tan petulungan, tan pedamar kurung, ringkes juga sawa ika, upakarania banten tebon, bebangkit 1 esik, kewala saji muang nasi angkeb setahap, muang pecaruan, suwargania ring tengah, kawahnia weci. desa, pengadang-ngadangnia sang buta angsa sakti, Cakrabalania watek denawa, widia darania sang suparni, Wikunia nila suci, Dewania Sanghyang Siwa, wewalania gambang, pemuput ring umah mertania sajiwani, Siwa sumedang ngaran pengaskara iki. Puput ngeseng ring setra patut nganyut ring pangrarungane. Upakarania peras daksina suci asoroh, segehan tatabuhan. Puput wawu atingkat.




## PENMUPUT

Pados 130

1. Kelian Desa kala ngamargiang sadaging awig-awig miwah utsahan desa, patut tan mareh.
  - (a) Sacloan utawi mawirasa ring sahanan parayogia sane taler ngawiwenang wong desane, upami Perbekel miwah Pekaseh.
  - (b) Ngawentenang galah penggala desa mangda wong desane polih ngupadi pangupatiwa, mucaping pangweruh miwah usaha neri-neri sewosan.
2. Awig-awig puniki kalingga tanganin antuk Kelian Desa Tangeb, kesarengin antuk kelian-kelian banjar utawi panitia makacihna pamulusnya.
3. Katur ring Bapak Bupati Kepala Daerah Tingkat II Badung mangda katureksa / kalinggatanganin, maka murdha pamikukuh.

# LUIR SANGALINGGA-TANGANIN

1. Kelian Desa Adat Tangeb



(.....)  
Datajuh  
(.....)  
3. Pehyanikan  
(.....)  
4. Sedahan  
(.....)



5. Kelian Pratus Br. Pasekan

(.....)

6. Kelian Pratus Br. Jeruan

(.....)

7. Kelian Pratus Br. Tengah

(.....)

8. Kelian Pratus Br. Belodpempatan

(.....)

9. Kelian Pratus Br. Kebayan

(.....)

10. Kelian Pratus Br. Dukuh

(.....)

11. Kelian Pratus Br. Bebengan

(.....)

12. Pekaseh Subak Teba



(.....)

(.....)

(.....)

(.....)

(.....)

(.....)

(.....)

(.....)

(.....)

(.....)

(.....)

(.....)

(.....)

(.....)

(.....)

(.....)

(.....)

(.....)